



長篇連載專欄

月娘降臨地上？

聖經 kā 呀講，自創世以來，日頭 kap 月娘，實質就是相異 ê 物件，有無全 ê 作用。

到一九六九年七月，美國所發射的月頭神十一號登陸月球以來，科學家實地發現，月球只是岩石 kap 鹿土 ê 球體，並無任何生命存在。

由此可見，布農先民所傳落來有關日頭變月娘 ê 故事，只 thang hō 現化人了解未開發民族低落 ê 智識 kap 思想 niā 。

充滿迷信生活 ê 原始民族，一致相信「月娘 kap 人類全款，有血肉之體，有靈魂之身，有人情，ē-tāng 講話。」in 認為這是千真萬確，bōe-sái m̄ 信 ê 實事。

一九四八年春天，有一個暗時，我 chhoa 一位 u 花蓮來，任玉山神學院教授 ê 馬克聞戶 (Macilwane) 牧師到關山里龜山向布農族佈道。

馬牧師向一大群族人講論創世記 ê 故事，伊講：「上帝創造日頭 kap 月娘，分別照耀日間 kap 暗時，hō 咱日間 thang 工作，暗時好安靜歇睏，……」

聽眾中有一位老人隨時 khaia 起來反駁道：「你 tū-chiah ê m̄-tiōh，咱祖先傳落來二個日頭 ê 故事 chiah 是真實--ê。因為月娘以前 bat u 天頂落來，到台灣中部山

地，對咱祖先教授真 chē tāi-chī。伊落來 ê 地，hō 土地塌成二個大窟，了後來落雨積水，這二個大窟變做這馬 ê 日月潭--ah。這就是證據，你講「上帝創造月娘，有啥物證據 mah？」

chē 聽眾真佩服 chit 位老人 ê 智識 kap 勇敢，phah phòk-á 表示贊成。

頑固 ê 迷信冲昏 ê 頭，mā ê 毀壞在 ê 一生，但是咱相

信上帝 ê 福音 teh-beh 救虛心願意接受 ê 人。

等 chit 位老人發表完畢，馬牧師 koh 繼續傳講起帝 ê 福音，hō 虛心 ê 人有機會聽 soah 上帝恩典 ê 信息。

佈道會結束，感謝主，有人表示 beh 相信主耶穌。

主耶穌講：「虛心 ê 人有福--ah，因為天國 is in ê。」〈馬太福音五：3〉 (待續)



◎ 胡文池

台灣俗語鹹酸甜

蕭平治 / 著

1-47 Thāi 雞，教猴。

「Aih！好！你 chit 個臭小囡，無 kā 你教示一下，以後我是 beh 按怎 tōa 邂待起--neh！」

「老李--ê 即呢 chhōa 頭，若無 kā 記一個警告，敢會愈來愈濟人 kap 咱做對頭。」

「早自修啥人講話，kā 我出來！」扑十下以後，「看恁後擺猶有人敢閣講無？」

Chē 著是 thāi 雞，教猴。有效無？用得好，真正好用，m̄-kú 效果無久長，口服心不服，嘛欠人情味，m̄ 是好主管，m̄ 是好老師 ê 步數。領導是一項藝術，做好樣，kā 伊關心，用愛心關懷部屬、學生，小可 ê 逆 kō，著愛忍，用鼓勵，疼心來化解，儘量 māi 用禁，闔卡 m̄ 免用「Thāi 雞，教猴」來展示你高高在上、威風凜凜。

* 註解 (1) chhōa 頭：歹示範。(2) kā 我出來：給我出來。(3)步數：方法。(4)小可 ê 逆 kō：小小的背叛反抗。(5)威風凜凜：ui-hong lim-lim。

1-48 M̄ 成雞仔 扑咯雞。

雞公 teh 啼叫做扑咯雞，m̄-nā 大聲閣會奉韻，展伊 hiau-pai、威風 teh 為王。雞仔因大隻，公--ê 會變雞 kak，雞 kak 仔著是少年雞仔，beh 大 m̄ 成大，上愛啼，啼聲幼幼「kō-kōk-ke！kō-kōk-ke！」一直講「我大漢--à，我大 --à！」

大漢實在真正好，少年有氣力，beh-chhēng 有本錢，朋友--à！恁兜有 hit-lō tng-beh 轉大人，tng-teh 扑咯雞 ê 少年囡仔兒無？先 kā 你恭喜，嘛替你掛意，爲因 ê 未來，著好好仔教示：青春上界好，青春愛扑咯雞，青春嘛愛認真讀冊、扑拼做工課，按呢成功才會是咱 ê，親像 chit 款 ê 扑咯雞，才是上讚 ê 少年家。

猶有一款 m̄ 成 (少年) 家，上 hō 父母頭殼痛，製造社會問題，伊 kan-nā 愛 chhēng，見學著是 m̄ 成樣，lim 酒、suh 薫，pōah-kiáu、亂 phún。恁兜若有 chit 款 ê 樣相，千萬 m̄-thang 隨在伊滾，愛隨時 kā 伊 chhiāu hō 準，chhiāu hō 穩，愛心兼鼓勵，m̄ 成雞仔扑咯雞，才 bē 真正變成 m̄ 成雞。(m̄ 成雞仔著是講 m̄ 成囡仔，m̄ 成囡仔有兩種講法，一種是滾笑講猶未大漢 ê 囡仔，一種是真正講歹囡仔。)

* 註解 (1) hiau-pai：驕傲。(2) 大隻：長大了。(3) beh-chhēng：要秀，要出風頭。(4) 轉大人：tng-tōa-lāng，將要成人。(5) 掛意：khōa-i，關心。(6) 亂 phún：非非擅做，胡白來。(7) 滾：發燶。(8) chhiāu hō 準：糾正正確。

按怎 chiā^n 做聖潔？

田國良

三禮拜前，經過一棟做神學院路 ê 大樓，看著大門 ê 玻璃頂懸，有黏大字，用華語寫講：『成爲聖潔，合乎主用』。Chhim 看著 chiah-ê 字，我心內就極懷疑：「Thāi ê beh koh "chiā^n" 做聖潔？" Koh，人是按怎 thang chiā^n 做聖潔？」在我來看，chit 兩句八字，若 hē tī 基督教義 ê 下跤來稽考，根本是 kāi 矛盾 ê 講法，基督徒--ah，恁按呢講，kám 括 bē 感覺怪怪？

Tú-chiah 去查線頂聖經，ta^n 知 chit 兩句是 uì 〈提摩太後書〉2 章 21 節引--來--eh-ah，兩個版本 ê 台語譯文列蹠下跤：

所以人若潔淨家已 māi 做 chiah-ê 歹代誌，伊就 è 做一個高尚 ê 用器，祝聖過來適合主人 ê 路用，無論甚物時 ê-tāng 做各種 ê 好事。(紅皮聖經譯本)

所以人若清氣家已脫離 chiah-ê，就 beh 做貴氣 ê 器具，chiā^n 聖，合 tī 主人 ê 路用，便便 thang 做逐項好 ê 事。(巴克禮譯本)

Ui 頂 ê 文，咱真容易看出，chiah-ê 話，是屬 tī 款勸 ê 路用，要求人 tī 行放頂懸來配合，了後，chiah-ê-tāng 「chiā^n 做聖潔」。總--是，若用「聖潔」 chit 兩字去 chhiau 華語和合本 ê 翻譯，上無，koh thang 揣著下面 chit 兩段經文，先來看第一段(〈以弗所書〉1章 4節)：

上主創造宇宙以前就已經通過基督教選咱來做伊 ê 子民，hō 咱在伊 ê 面前 chiā^n 做聖潔無缺點--ê。(紅皮聖經譯本)

就是照伊創造世間 ê 代先 tī 基督揀咱，hō 咱 tī 伊 ê 面前 chiā^n 做聖，無 thang 嫌。(巴克禮譯本)

Chit 段經文 kap 基督教信仰 ê 中心是 sio 黏蒂帶，伊講著講：人 thang 得著救贖，是因爲上帝代先揀選基督徒，koh hō 伊 chiā^n 聖(透過基督 ê 死來贖罪)，che 是上帝 ê 工(已經完成 ê 工)，基督徒 tī 上帝 ê 面前，是全無破 phah，攏無 thang 嫌--ê。Beh sa^n 同 ê 經文，koh 有下跤 chit 段(帖撒羅尼迦後書 2 章 13 節)：

主所寵愛 ê 兄弟--a，阮 tiōh 常常爲恁感謝上帝。因爲上主對起頭就揀選--恁，boeh hō 恳倚靠聖靈來做上主家已 ê 子民，kap hō 恳相信真理來得著救。(紅皮聖經譯本)

但是主所疼 ê 兄弟--ah，阮應該替恁常常感謝上帝，因爲上帝 tui 起頭揀--恁，beh hō 恳得救，是在 tī 神 ê 成聖 kap 信真理。(巴克禮譯本)

Chia ê 經文 koh 一擺強調，人得著救，是上帝 ê 擇選(毋是人 è 好，嘛毋是人做啥物代誌)，而且，人 beh chiā^n 聖(chiah-ê 做聖潔)，tiōh 倚靠聖靈(上帝 ê 神)，kap 相信真理(因爲相信 chiā^n 聖)。Kah 若講，人 è 用得 chiā^n 聖(chiah-ê 做聖潔)，就親像人得著救 sio-siāng，是獨獨倚靠上帝，毋是靠人家己，按呢，款勸人靠家己『成爲聖潔，合乎主用』，kán 無 chiock 奇怪？？？Kám 講，che 是 teh 勸人去做一件「已經完成 ê 工事」？或者是，beh ài 人去做一件「上帝 chiah 做到 ê khang-khōe」？

Koh 來，「chiā^n 做聖潔」是啥物？相信，無人敢講是「行做 kap 講話攏無 tēng-tā^n，日常生活攏無犯罪(聖經所定義 ê 罪)」，因爲基督徒家己知影，無論是親身 ê 經驗、或者は別人 ê 情形、iah 是聖經 ê 教示，chiāu 指出 che 是無可能 ê 代誌。若是按呢，「chiā^n 做聖潔」就 kan-ta^n 有可能是指「上帝看做聖潔」，雖然人犯罪、人無 ka-nāg，毋過，因爲上帝揀選、耶穌替贖，上帝無照人 ê 行做來看--人，是半聲半就 kā「基督徒」看做「聖潔」，若準是按呢.....koh 款勸人 tiōh 「chiā^n 做聖潔」，毋是真 ke 工？？？

基督教 ê 教示，不時有 chit 款足矛盾 ê 情況--出來，tī 我來看，è 按呢生，有一個真重要 ê 動機，就是 beh 壓制人 ê 自我意識，ke-ke 減減看家己無，hō 人甘願去趁教會內底 ê 權威 kap 權力者。所致，教會一方面 kā 信徒講：恁 è 得救是上帝 ê 恩，已經 chiā^n 聖，人無法度倚靠家己，kan-ta^n 上帝 ê-tāng 救--人 hām 改變--人，koh kā 基督徒 phō 做上帝 ê 「王 kap 祭司」(〈彼得前書〉2 章 9 節)，總--是，教會凡勢真驚信徒無受控制，就翻轉頭，kā 人 ê tāng 誤 koh sa 出來練，hō 人無法度穩心仔做 chiā^n 聖 ê 王 kap 祭司，是顛倒跋轉去變做有罪、無 ka-nāg、è 感覺見笑 ê 奴才...。



陳文成教授紀念基金會

各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不餘遺力的爲台灣的民主，人權在打拼。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會會發行《台灣文化》雜誌，舉辦週年紀念會，贊助台灣人作家寫作，邀請台灣作家、文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, <http://taiwandc.org>)，《台灣學生》(台灣學生社 Taiwanese Collegian, <http://tcfomosa.org>)和 ITASA (<http://itasa.org>)。

近年起我們除了固定的獎學金外，更在陳文成生前執教的 Carnegie Mellon University 設立一個紀念陳文成的獎學金。自 2001 年起島內的台美文化交流基金會也在我們美國的同鄉鼓勵下獲得正名爲陳文成教授紀念基金會。

本基金會地址：Dr. Pin-Shuo Liu

CWCMF P. O. Box 136, Kingston, N.J. 08528